

NEWSLETTER



FONDACIJA
HASTOR

novembar 2022.



NOVOSTI

Potpisivanje ugovora studenata stipendista za akademsku 2022/2023. godinu



„Najveća nada svake zemlje leži u primjerenom školovanju mladih.“

– Erazmo Roterdamski

Erazmo Roterdamski je stoljećima ranije zaključio koliko je važno da mladi imaju kvalitetno obrazovanje jer upravo oni pokreću pozitivne promjene u društvu i predstavljaju budućnost zemlje u kojoj djeluju. Tako su i danas mladi koji su se posvetili obrazovanju i kontinuiranom radu na sebi velika nada bosanskohercegovačkog društva. Nerijetko na putu obrazovanja mladima treba neko ko će ih podržati onda kada se susretu s izazovima koje obrazovanje nosi sa sobom. Već 16 godina Fondacija Hastor svojim stipendistima pruža podršku koju trebaju vjerujući čvrsto u njihove sposobnosti i motivišući ih da ostvaruju svoje snove.

U subotu, 12. novembra 2022. godine, činom potpisivanja ugovora o stipendiranju, Fondacija Hastor je zajedno sa svojim studentima stipendistima otvorila prvi list još jedne nove knjige koja će kao i sve prethodne bez sumnje biti ispunjena novim i inspirativnim pričama.

Stipendisti su bili podijeljeni u nekoliko grupa, a kroz proces potpisivanja vodili su ih direktor Fondacije Hastor Seid Fijuljanin te članice administracije Amela Dedić i Emra Kulo. Direktor je na samom početku srdačno i, s obzirom na povod obraćanja, svečano pozdravio sve studente stipendiste čestitavši im što će i u predstojećem periodu nastaviti svoje puteve uz Fondaciju Hastor. Još jednom je podsjetio na važnost misije i vizije Fondacije Hastor koja svake godine u svoju porodicu prima nove članove koji će volonterskim angažmanom doprinositi i pomagati kako svojim lokalnim zajednicama tako i cjelokupnom bosanskohercegovačkom društvu.

Preko 500 stipendista je potpisalo ugovore, a među njima je bilo studenata koji su stipendisti već 16 godina što govori o tome da Fondacija Hastor uz mnoge stipendiste ostaje sve do kraja njihovog obrazovnog puta. Pravi primjer za to je priča naše stipendistice Almedine Fadžan kojoj je ovo bio 12. po redu potpisani ugovor o stipendiranju.



NOVOSTI

Potpisivanje ugovora studenata stipendista za akademsku 2022/2023. godinu

Tim povodom Almedina je opisala svoj put u Fondaciji Hastor:

Te davne 2009/2010. školske godine potpisana je moj prvi ugovor o stipendiraju, tada sam završavala osnovnu školu i mogu slobodno kazati da sam uz Fondaciju Hastor prošla cijelo svoje srednjoškolsko, a sada i akademsko obrazovanje. Nije to obična stipendija niti sam ja običan stipendista, to je poseban odnos podrške i potpore onda kad mi je bila najpotrebnija, ne samo na polju obrazovanja nego i u privatnom životu. Sve ove godine učinile su da Fondacija Hastor postane neodvojivi dio moje životne priče. Obojila je moj put svojom bojom i zahvalna sam joj na svakoj nijansi koju je dodala i koju sada prepoznajem u sebi i svom odnosu prema drugim ljudima i okruženju u kojem živim.

Semra Islamović je stipendistica Fondacije Hastor od 2008. godine, odnosno punih 14 godina te u nastavku ovog teksta donosimo njenu priču o tome kako je postala dio Fondacije Hastor i šta joj ona predstavlja danas.

Stipendistica sam Fondacije Hastor još od davne 2008. godine. Tada je učitelj Ramo tražio najbolje učenike iz osnovne škole „Muhsin Rizvić“ te sam tako na prijedlog mog učitelja postala stipendista. Tada, sa svojih osam godina, još uvijek nisam bila svjesna kolika sam zapravo sretnica i šta to sve znači za mene, moje roditelje i moje dalje školovanje i obrazovanje. Danas shvaćam da je upravo taj momenat bio jedna od najvažnijih prekretnica mog života. Od prvog dana Fondacija mi je bila ogromni vjetar u leđa i kada god bih im se obratila, uvijek su bili spremni pružiti podršku i pomoći kako meni tako i svim drugim stipendistima.



Nakon upoznavanja s pravima i obvezama koje studenti imaju sve dok su u svojstvu stipendista Fondacije Hastor, direktor je naglasio važnost mentorstva koje imaju studenti stipendisti kroz volonterske sate koje mjesečno provode s osnovnoškolcima i srednjoškolcima. Mjesečni sastanci s učenicima su se od pojave korona virusa u martu 2020. godine održavali online, međutim, direktor Fijuljanin je iskoristio ovu priliku i saopćio jednu predivnu vijest – sastanci s učenicima će se početi odvijati uživo. Stipendisti su s oduševljenjem primili ovu vijest s obzirom na to da će nakon dugo vremena ponovo imati priliku uživo razgovarati s članovima svojih mentorskih grupa i nastojati svoju ulogu u njihovim životima obnašati na najbolji mogući način. Amela Dedić i Emra Kulo su naglasile važnost mentorskog odnosa, koji se nerijetko nastavlja i nakon okončanja školovanja, između učenika i studenata, a taj odnos je vrlo često praćen prijateljskom vezom punom ljubavi, iskrenosti i povjerenja što zapravo govori da je Fondacija uspjela u jednom od njenih najvećih ciljeva i da će tim tempom nastaviti i u budućnosti.

NOVOSTI

Potpisivanje ugovora studenata stipendista za akademsku 2022/2023. godinu

Naša stipendistica Semra je kazala koliko je njoj kroz sve ove godine, koliko je član Fondacije Hastor, značilo volontiranje i kako danas utječe na nju:

Kroz volonterski rad sam upoznala mnoge ljudе, stekla nova prijateljstva, postala samostalnija i kreativnija, spremnija na timski rad te sam razmijenila razna iskustva kako s djecom tako i s kolegama mentorima. Na prvoj godini fakulteta imala sam priliku da volontiram s djecom na terenu i smatram da su moji najveći uspjesi bili oni trenuci kada bi djeca kojоj sam bila mentorica kazala da su od mene naučila nešto novo. Na drugoj godini sam postala dio prevodilačkog tima za engleski jezik, što mi je, s obzirom na moje zvanje, posebno značilo. Do sada sam, zajedno s kolegama iz ovog tima, prevela veliki broj Newslettera, godišnjih izvještaja i članaka na web-stranici Fondacije Hastor i time stekla mnogo iskustva koje će mi zasigurno koristiti u budućnosti. To je za mene veliki napredak.

Pomaganje – riječ čije je značenje posebno važno svim članovima Fondacije Hastor jer ono predstavlja smisao same Fondacije i njenog šesnaestogodišnjeg postojanja i djelovanja. Pomaganje u okvirima Fondacije Hastor je sjeme dobra koje se širi u pravcu mladih ljudi spremnih da ga njeguju i prenose na druge. Svaki od potpisanih ugovora svjedočanstvo je širenja tog sjemena i ponosni smo na činjenicu da iz godine u godinu ono raste u onima na kojima ostaje svijet. Njihova će djela svjedočiti dobru na koje podstiče Fondacija Hastor i baš zato je sam čin potpisivanja ugovora svečanost koja je posebno vrijedna kako Fondaciji Hastor tako i svim njenim članovima.



STIPENDISTICA MJESECA

Sara-Medina Šehović

Fondacija Hastor može se pohvaliti marljivim, ambicioznim i uspješnim stipendistima koji ostvaruju zapažene rezultate na polju obrazovanja i nauke. Tim Fondacije čine mladi volonteri koji doprinose njenom radu, unapređujući ga svojim znanjem i vještinama. Upravo takve vrijednosti i predanost volonterskom angažmanu u okviru Fondacije Hastor iz mjeseca u mjesec stipendistima donose titulu Stipendiste mjeseca. U nastavku čitajte o Sari-Medini Šehović, stipendistici koja je tuto titulu odnijela ovaj mjesec.

U historiji čovječanstva sačuvana su brojna predanja koja su se s koljena na koljeno prenosila generacijama i koja danas služe kao motivacija uspješnima da i dalje samouvjereni koračaju ka svojim ciljevima. Izuzetno motivirajuće predanje je sačuvano i od poznatog mislioca i filozofa Konfučija, a temeljna ideja istog je da su volja za pobjedom, želja za uspjehom, želja da se ostvari čovjekov puni potencijal zapravo ključevi koji će otključati vrata osobne izvrsnosti. Kroz gotovo sve naše objavljene tekstove uvidjeli smo da su brojni stipendisti Fondacije Hastor pronašli svoje zlatne ključeve koji su im omogućili prodor u svijet izvrsnosti. Takav slučaj je i s našom dugogodišnjom stipendisticom Sarom-Medinom Šehović koja nam dolazi iz Goražda, srca istočne Bosne.

U rodnom gradu je završila Osnovnu muzičku školu „Avdo Smailović“ na instrumentu flauta. Osim toga što je uspješno balansirala pohađanje dvije osnovne škole, naša Sara-Medina je u obje pokazala značajnu izvrsnost zbog čega je nagrađena priznanjem Učenik generacije. Nakon završetka osnovne škole upisuje srednju školu „Richmond Park College“ koju je također uspješno završila 2020. godine.

Akademске 2020/2021. godine upisala je Mašinski fakultet Univerziteta u Sarajevu, a trenutno se nalazi na trećoj godini prvog ciklusa studija na Odsjeku za mašinski proizvodni inženjering.

U razgovoru s našom stipendisticom primijetili smo da je na prvom mjestu naglasila ljubav prema učenju kazavši da ona postoji od kada zna za sebe i da ta ljubav nikada nije prestajala nego je s vremenom mijenjala oblike budući da je od ljubavi prema učenju nastojala iskonstruirati nešto korisno što će biti za dobrobit društvene zajednice. Još u osnovnoj školi je počela učestvovati na takmičenjima znanja kao i u pisanju literarnih radova i crtanja. Osim toga, učestvovala je i na mnogim takmičenjima u okviru osnovne muzičke škole. Posebno je izdvojila svoju prvu nagradu na Međunarodnom takmičenju drvenih duvača koje se održalo u Požarevcu. Istiće kako još od osnovnoškolskih dana naročitu ljubav gaji prema fizici, a ta ljubav je značajno odredila njen životni put budući da je na određeni način zbog nje i upisala baš Mašinski fakultet.



STIPENDISTICA MJESECA

Sara-Medina Šehović

Kroz srednju školu učestvovala je na brojnim kampovima fizike koje je organiziralo Društvo fizičara u Federaciji Bosne i Hercegovine i koji su zaista velika odskočna daska za mlađe ljude željne nauke. Budući da se isticala u fizici, nastavila je učestovovati u raznim takmičenjima te je osvojila prvo mjesto na Federalnom takmičenju iz fizike – grupa B, elektromagnetizam, oscilacije i talasi, kao i treće mjesto na Izbornom takmičenju za Evropsku olimpijadu iz fizike. Sara-Medina smatra da je njen najveći uspjeh upravo učešće na Evropskoj olimpijadi iz fizike 2020. godine, jer se na ovom takmičenju okupljaju najbolji mlađi fizičari iz cijele Europe. Uspjesi naše stipendistice nisu prestali s takmičenjima u okviru osnovne i srednje škole. U prilog njenoj uspješnosti govori tvrdnja da njen prosjek iznosi 9.70 te da je zahvaljujući svom znanju i vještinama bila angažirana kao demonstratorica na predmetima Fizika I i Fizika II, dok je trenutno demonstratorica na predmetu Kinematika.

Titulu Stipendistice mjeseca Sari-Medini donijela je njena aktivnost te vrijedno i ažurno obavljanje volonterskih zadataka u administracijskom timu Fondacije Hastor. S obzirom na to da je stipendistica Fondacije Hastor još od trećeg razreda srednje škole, može se kazati da je Fondacija bila važan dio njenog obrazovanja, ali, kako i sama ističe, i inspiracija za uspjehe i težnju ka ostvarenju njenih snova.

Fondacija Hastor je prepoznala moje rezultate na što sam mnogo ponosna. Biti član Fondacije je uspjeh sam po sebi jer je poznato da je to zajednica koja okuplja najbolje učenike i studente iz cijele Bosne i Hercegovine.

Fondacija Hastor je prepoznala moje rezultate na što sam mnogo ponosna. Biti član Fondacije je uspjeh sam po sebi jer je poznato da je to zajednica koja okuplja najbolje učenike i studente iz cijele Bosne i Hercegovine.

O mjestu i ulozi Fondacije Hastor u njenom obrazovanju Sara-Medina je istakla sljedeće:

Fondacija za mene ne predstavlja samo finansijsku pomoć. Ono što meni najviše vrijedi jesu znanja, iskustva i poznanstva koja sam stekla volontirajući. Volontiranje u Fondaciji nas čini aktivnim članovima zajednice i, ukoliko smo i bili lijeni i nemarni po pitanju našeg okruženja, volontirajući smo kreirali neku dublju sliku o našem društvu. Stekla sam mnoga prijateljstva i upoznala brojne ljude u Fondaciji i znam da će u budućnosti uvijek imati na koga da se oslonim. Fondacija nas uči da budemo sigurni u sebe i ljude oko sebe i da konstantno trebamo raditi kako bismo popravili sebe i naše okruženje. Nismo ni svjesni koliko mi sami, kao „obični“ studenti i učenici, možemo promijeniti stvari oko sebe. Zamislite koliko samo sreće donesemo starijim osobama kojima pomognemo dok volontiramo, koliko dječijih osmijeha izmamimo... Fondacija je zapravo veliko blago i ima sposobnost da promijeni naše društvo nabolje, mene je naučila brojnim vrlinama i konstantno me podstiče da se usavršavam na svim poljima.

Želimo Sari-Medini da ostane vrijedna i uspješna kao što je i do sada bila te se nadamo da će ovakvi, uistinu česti, primjeri koje imamo čast i priliku promatrati unutar Fondacije Hastor postati motivirajući faktor drugim članovima društvene zajednice da počnu aktivno djelovati i raditi ono što vole te da nastave pomagati jedni drugima jer je to srž našeg postojanja.

RAM - RUBRIKA AKTIVNIH MLADIH

Omer Muminović

Rubrika aktivnih mladih prostor je kroz koji svaki mjesec predstavljamo najvrednije stipendiste naše Fondacije. To su oni koji iz dana u dan nastoje svoje vrijeme i energiju uložiti u više ciljeve te na taj način poboljšati sebe, ali i svoje društvo. Onako kako je RAM (radna memorija) dio računara bez kojeg se njegov rad ne može ni zamisliti, tako su naši stipendisti, koji, pored volonterskog aktivizma u sklopu Fondacije, izuzetno marljivo rade i u svojim lokalnim zajednicama i time na najbolji mogući način predstavljaju Fondaciju Hastor i njenu misiju, dio bez kojeg naš rad zasigurno ne bi bio isti. RAM je rubrika posvećena onima koji svakodnevno aktivno rade na tome da poboljšaju svoje društvo i unaprijede sebe, stoga nam je zadovoljstvo svakog mjeseca govoriti o nekome od njih, a ovoga puta ta čast pripala je Omeru Muminoviću.

Omer Muminović je stipendista koji dolazi iz jednog malog i lijepog mjesta smještenog na obroncima planine Majevica – Teočaka, a stipendista Fondacije Hastor je već dvije godine. Završio je Behram-begovu medresu u Tuzli odličnim uspjehom nakon čega je upisao Odsjek za ekonomiju i međunarodno poslovanje na Univerzitetu Sarajevo School of Science and Technology (SSST). U slobodno vrijeme uživa u čitanju, pisanju i odlasku u prirodu, a kada mu obaveze dozvole, voli pogledati novu epizodu kviza „Milijunaš“.

Volonterski put ovog stipendiste kreće iz njegovog rodnog Teočaka, gdje je jedno vrijeme obnašao funkciju predsjednika Vijeća mladih općine Teočak, a nakon što je upisao medresu, Omer počinje biti aktivan u Fondaciji tuzlanske zajednice u programu „Omladinska banka“. Zahvaljujući volontеризму obišao je mnoge evropske zemlje i stekao veliki broj značajnih poznanstava koja su mu nebrojeno puta koristila.

Upis na fakultet i obaveze ga nisu sprječili da svoj volonterski angažman nastavi u Fondaciji „Izvor nade“ i Udruženju „Mladi za mir“. Kao volonter u spomenutom Udruženju stekao je bogato iskustvo iz prve ruke i naučio je kako spajati i popravljati, a ne dijeliti i uništavati zajedničko naslijede i kulturno blago Bosne i Hercegovine. Kaže da mu je sve to pomoglo da postane dio Fondacije Hastor koja spaja mlade iz čitave države koji dijele ista ili slična interesovanja.



RAM - RUBRIKA AKTIVNIH MLADIH

Omer Muminović

"Volontiranje mi je pokazalo da treba više cijeniti stvari kao što su prijateljstvo i pomoći drugima u nevolji te mi je pomoglo da naučim kako iskoristiti prilike koje se nude na raznim edukacijama i seminarima koji su me, na kraju, unaprijedili u ličnom i profesionalnom razvoju. Kroz svoja mjeseca volontiranja u Fondaciji Hastor trudim se da mladim stipendistima prenesem svoje praktično iskustvo te da im dajem savjete kako i gdje da traže informacije koje će im biti korisne u njihovom volonterskom i aktivističkom angažmanu, kaže Omer.

Omer je trenutno na razmjeni studenata u SAD-u u okviru programa „Global UGRAD Student Exchange Program“ na Univerzitetu Houston-Victoria u Teksasu, a ono što je bitno naglasiti jeste to da je ove godine jedini student iz Bosne i Hercegovine koji je prošao zahtjevan selektivni proces na ovom programu. Naš stipendista je svoje volontiranje nastavio i u SAD-u, u Organizaciji „Meals on Wheels South Texas“, gdje pomaže u pakovanju i distribuciji obroka za socijalno ugrožene osobe što govori koliko je ovom stipendistu stalo da svojim malim koracima radi na promjeni društva i zajednice.

Naš stipendista je svoje volontiranje nastavio i u SAD-u, u Organizaciji „Meals on Wheels South Texas“, gdje pomaže u pakovanju i distribuciji obroka za socijalno ugrožene osobe što govori koliko je ovom stipendistu stalo da svojim malim koracima radi na promjeni društva i zajednice.

Kada dođeš iz jedne male države kao što je Bosna i Hercegovina u SAD, promjeniš pogled na neke stvari i uočiš da je sve zapravo u tvojoj glavi i u tvojim mislima. Ako smo svjesni da i najmanja promjena koju učinimo može imati neki uticaj na druge, na našu lokalnu zajednicu i ljudе koji u njoj žive, trebamo da učinimo tu promjenu i da krenemo tim putem, a ne da mislimo šta će drugi reći ili da sami sebe obeshrabrujemo i demotivišemo, zaključuje Omer.

Istiće da motivaciju za konstantnu aktivnost crpi iz određenog revolta koji se u njemu probudio kada je shvatio da ljudi kojima je bio okružen nerijetko bivaju pasivni i nezainteresovani za promjene koje bi mnogima olakšale život. Shvatio je da zna šta želi postići u životu te da se, da bi ispunio misiju i viziju svog života, mora popeti na mnogo stepenica. Kada se desi da zastane, samo se osvrne na svoje prethodno iskustvo koje ga u tim trenucima motiviše i tjera da ide naprijed. Na njegovom putu ka ispunjavanju svoje misije i vizije kao snažna potpora stoji Fondacija Hastor i svi njeni stipendisti koji su okupljeni oko istih ideja – filantropije i volonterizma.




Fondacija Hastor mi je puno pomogla u mom ličnom i profesionalnom razvoju. Pružila mi je mogućnost da sve što sam do sada naučio kroz neformalno i formalno obrazovanje te razna putovanja prenesem na druge stipendiste. Ako ti kao osoba skupljaš znanje i iskustva, a nemaš kome da ga preneseš, ono ostaje samo za tebe i nema diseminacije istog. Upravo kroz Fondaciju sam uspio da druge potaknem da budu aktivni i da se pomjere s mjestima te da krenu u ostvarivanje svojih ličnih ciljeva, ambicija i snova i iznimno mi je zadovoljstvo kada vidim da sam uspio u svojoj namjeri. Fondacija Hastor je mjesto koje nam pruža mogućnost da se u svakom momentu možemo javiti s nekom idejom koju će ona velikodušno i objeručke podržati.

Za stipendiste Fondacije Hastor Omer ima snažnu poruku:

Nemojte se plašiti da budete drugaćiji i da činite djela koja će i vama i drugima donositi samo dobro. Morate biti hrabri da izadete iz svoje komforne zone i da upoznate nove ljudе, ali morate biti i svjesni svojih mogućnosti i potencijala što ćete najlakše saznati ako odete van svoje lokalne zajednice. Kada provedete određeno vrijeme s drugim ljudima, sazname nove informacije, usavršite svoje znanje i vještine, onda ste spremni vratiti se nazad vašoj kući i pokušati promjeniti ono što ste željeli prije nego što ste otišli, a možda tada niste bili dovoljno snažni ili niste imali dodatnog iskustva da to učinite.

Omer je svojim uspješnim akademskim i volonterskim putem pokazao kako uz trud, predanost i konstantan rad skoro i ne postoje granice u ostvarivanju ličnih i profesionalnih zamisli. Njegov put u SAD i bogato volontersko iskustvo koje je nastavio izvan granica Bosne i Hercegovine će sigurno služiti kao primjer svim stipendistima koji planiraju stечи dodatna iskustva u drugim državama, a vratiti se u svoju rodnu zemlju i prenosi svoje znanje drugima.



ALUMNI MUJESECA

Alma Drljević-Mašić

Nakon okončanja školovanja stipendisti Fondacije Hastor ostaju vezani za Fondaciju kao korijen za svoje drvo. Takvo korijenje teško je pokidati zbog veze koja nerijetko umije biti izuzetno čvrsta, neraskidiva i puna povezanosti, koja je ispunjena pozitivnim emocijama i predivnim sjećanjima na period školovanja koji je ostaoiza njih. Tako bivši stipendisti Fondacije Hastor njeguju povezanost s Fondacijom koja je na putu njihovog obrazovanja i izgradnje ličnosti bila glavni oslonac i podrška u njihovim životima. Vrijeme prolazi i ljudi se suočavaju s raznim promjenama i mnoga sjećanja blijede kada se zamijene novim i interesantnjim događajima. Samo jedno u životu svakog stipendiste, ma u kojem životnom dobu bio, ostaje isto – privrženost Fondaciji Hastor.

Prethodno napisano se ogleda u odnosu naših alumnista prema Fondaciji. Jedna od njih je i Alma Drljević-Mašić, svršenica Fakulteta političkih nauka u Sarajevu na Odsjeku za socijalni rad. Trenutno živi i radi u rodnom gradu Goraždu. Od 2015. godine zaposlena je u Centru za socijalni rad kao stručna saradnica za zaštitu djece. Supruga je i majka troje djece.

Alma je volonterka i stipendistica Fondacije Hastor postala već u vrijeme samog početka rada Fondacije, tačnije 2006. godine, i taj status je zadržala sve do završetka drugog ciklusa studija te, samim tim, spada u prvu generaciju stipendista. Alma je dobila volontersku grupu osnovaca iz Goražda s kojima je mjesечно provodila 16 sati volonterskog rada. Ističe kako je volontirala uglavnom vikendom u prostorijama osnovne škole. Njena uloga primarno se odnosila na pomaganje učenicima u savladavanju gradiva iz predmeta koji im stvaraju poteškoće.

Pored učenja imali su i slobodne aktivnosti gdje su se družili, igrali, imali izlete te su, povrh svega, kroz sve navedene aktivnosti razvijali emotivnu povezanost znajući da su dio iste porodice – Fondacije Hastor. Pored volontiranja na terenu, naša alumna imala je priliku volontirati i u kancelariji u okviru administrativnog tima Fondacije Hastor. Kao tadašnja studentica socijalnog rada, naučeno na fakultetu pokušala je usmjeriti i realizovati direktno na terenu volontirajući s mlađim stipendistima.



ALUMNI MUJESECA

Alma Drljević-Mašić

Uvijek sam se najviše radovala našim mjesecnim studentskim sastancima na kojima smo imali različite radionice kako bi naša uloga u zajednici bila što veća i značajnija. Tu su i zajednički izleti svih stipendista za koje me vežu lijepa sjećanja jer mi i danas u glavi kreiraju slike pravog prijateljstva.

Veoma je važno istaći i finansijsku podršku koja joj je bila od velikog značaja tokom studiranja. Kao što smo već naveli, ona trenutno radi na zaštiti djece i ima priliku da sarađuje s porodicama koje se nalaze u težoj socio-ekonomskoj situaciji. Rado iskorištava priliku da im, ukoliko imaju djecu koja pohađaju školu, predstavi rad i misiju Fondacije Hastor kako bi svako dijete koje želi napredovati dobilo priliku da bude dio te priče koja traje cijeli život.

Prateći dosadašnji rad Fondacije Hastor slobodno mogu reći da je njena uloga i misija još više ojačana jer ono što smo mi započeli sadašnji stipendisti razvijaju dalje i proširuju dijapazon njenog djelovanja. Njena uloga je ostala ista – na jednom mjestu spojiti mlađe ljude koji su spremni uhvatiti se u koštač sa sadašnjim izazovima. Mnogo je lijepih sjećanja koja me vežu za tadašnje članove i rukovodstvo Fondacije Hastor jer su to bili ljudi koji su nama prolazili kroz sve izazove i bili najveća podrška na putu ostvarenja naših snova. Svakom studentu je potreban vjetar u leđa čije prisustvo nikada ne zaboravlja. Fondacija je to bila svakom od nas i zato je nosimo u sebi dok gledamo neke nove generacije kako zauzimaju mesta na kojim smo mi nekad potpisivali ugovore.

Kada pogledamo niz ulice uspjeha kojima hode naši alumnisti, osjećamo sreću što ćemo i mi jednog dana šetati istim stazama noseći Fondaciju Hastor u srcima.



KULTURNĀ BAŠTINA

Dan državnosti Bosne i Hercegovine

Država se mora shvatiti kao veličanstveno arhitektonsko zdanje, kao hijeroglif razuma koji se otkriva u stvarnosti, riječi su mudrog Hegela. Veličanstveno arhitektonsko zdanje naše domovine građeno je i oblikovano stoljećima, a svoje prve obrise najzad je dobilo 25. novembra 1943. godine. Danas se ovaj datum obilježava kao Dan državnosti Bosne i Hercegovine, a prije 79 godina označavao je Prvo zasjedanje Zemaljskog antifašističkog vijeća narodnog oslobođenja Bosne i Hercegovine na kojem su donesene važne odluke za državno-pravno uređenje naše države. Na taj način, prije gotovo osam decenija, narodi Bosne i Hercegovine su izrazili želju da se u njihovoј domovini gaji multikulturalnost. Osam decenija kasnije, država Bosna i Hercegovina i dalje ponosno i složno okuplja sve narode i narodnosti u svom okrilju te šalje važnu poruku o tome kako se multietničnost i jednakost trebaju gajiti i poštivati, jer je bogatstvo različitosti naša forma izražavanja i način da budemo ljudi širokih svjetonazora. No, i pored svega navedenog, multikulturalnost na prostoru Bosne i Hercegovine može se pratiti još od mnogo ranijih vremena, stoga u nastavku donosimo priču o vrijednoj kulturnoj baštini naše domovine.

Navedenu multikulturalnost Bosna i Hercegovina zajedno sa svojim građanima njeguje kroz čuvanje svoje raznolike i bogate kulturne baštine. Ponekad zaboravljamo da su pismo i književnost veliki dio naše baštine te da su knjige dragocjeno bogatstvo svijeta i vrijedna zaostavština generacija i naroda. Dan državnosti Bosne i Hercegovine te spomenuta tema multikulturalnosti na ovim prostorima povod je naše ovomjesečne tematike u okviru rubrike „Kulturna baština“.

Jedan od najreprezentativnijih primjera očuvanja kulturne baštine Bosne i Hercegovine je Sarajevska hagada koja se danas nalazi i dostoјno čuva u Zemaljskom muzeju Bosne i Hercegovine. Sama riječ „hagada“ (na hebrejskom jeziku označava priču, kazivanje) predstavlja jednu vrstu zbirke vjerskih propisa i predanja unesenih u molitveni red obilježavanja Pesaha, praznika kojim se slavi oslobođenje Jevreja iz egipatskog ropstva. Naročitu važnost ove knjige imale su za vrijeme održavanja obredne porodične večere – sedera, kada su svi ukućani i gosti s knjigom u ruci iz njih čitali, ili pratili, kazivanja o putu izlaska na slobodu kao i sve što je u obrednom smislu vezano uz tu poznatu starozavjetnu priču.

KULTURNA BAŠTINA

Dan državnosti Bosne i Hercegovine

Sarajevska hagada se sastoji od 142 lista pergamente veličine 16,5 x 22,8 cm izrađene od istanjene i izbijeljene teleće kože. Na prva 34 lista nalazi se čak 69 minijatura koje nadahnuto prikazuju stvaranje svijeta, egipatsko ropstvo, izlazak iz Egipta pod Mojsijevim vodstvom, sve dok status vođe Jevreja nije preuzeo Jošua, sin Nunov. Posljednje četiri minijature predstavljaju izuzetak u smislu da nemaju direktni biblijski karakter. Na sljedećih 50 listova nalazi se tekst Hagade koji je s obje strane isписан kvadratnim hebrejskim pismom srednjovjekovnog španskog tipa. Posljednju cjelinu knjige čini naknadno unesenih pjesničko-obredni dodatak, koji sadrži po nekoliko pjesama najslavnijih pjesnika hebrejske književnosti iz njenog tzv. zlatnog doba kao što su: Jehuda Halevi, Jichak ben Jehud ibn Gijat, Salomon ibn Gevriola i drugi. Na osnovu stilске analize iluminacija i minijatura s njenih stranica utvrđeno je da je knjiga nastala u srednjovjekovnoj Španiji, u oblasti nekadašnje kraljevine Aragon, najvjerovalnije u Barseloni oko 1350. godine, a postoji velika vjerovatnoća da je riječ o daru za vjenčanje članova dvije poznate familije Šošan i Elzar, jer se njihovi grbovi – štit s rozetom i krilom – nalaze na stranici na kojoj je i grb grada Barselone.


Prema bilješci iz same knjige, ona je nakon progona Jevreja iz Španije 1492. godine promijenila vlasnika. U bilješci nastaloj 1609. godine navodi se da knjiga ne govori protiv crkve, a ovaj zapis je vjerovatno rezultat provjere od strane inkvizicije. Tokom 16. i 17. stoljeća Hagada se nalazila prostoru sjeverne Italije, što potvrđuju dvije kratke zabilješke na njenim stranicama, a kada i pod kojim okolnostima dospijeva u Bosnu i Hercegovinu nije razjašnjeno do kraja.

Prepostavlja se da je tokom 16. stoljeća Hagada mijenjala vlasnike te da je preko Splita i Dubrovnika došla na prostor Bosne i Hercegovine. Nakon dugo vremena, prvi pouzdan trag *Sarajevske hagade* u historiji se javlja ponovo 1894. godine, kada je Zemaljski muzej Bosne i Hercegovine otkupljuje od sarajevske sefardske porodice Koen, po cijeni od 150 kruna. Na budućnost i mjesto *Sarajevske hagade* utjecala su zbivanja tokom Drugog svjetskog rata. Prvih dana nakon ulaska njemačkih vojnih snaga u Sarajevo 1941. godine njihove vlasti zahtijevaju da im se predala tada već dobro poznati kožni kodeks. *Sarajevska hagada* je tada sklonjena na sigurnije mjesto, a velika potraga za njom najviše govori o njenoj velikoj vrijednosti.

Tek odnedavno je *Sarajevska hagada* izložena i dostupna široj kulturnoj javnosti u posebno osiguranom prostoru Zemaljskog muzeja Bosne i Hercegovine. Iznesene činjenice o *Sarajevskoj hagadi*, do kojih se došlo analizama i istraživanjima, ali i kroz kratke zabilješke ispisane na njenim stranicama, ovu knjigu čine izvanredno važnim izvorom za istraživanje kulturne prošlosti jednog naroda te živim svjedokom otvorenosti i multikulturalnosti jednog društva i sredine. O značaju *Sarajevske hagade* napose govori činjenica da pripada skupini najvrednijih svjetskih iluminiranih rukopisa te da ovakvih vrsta iluminiranih rukopisa na svijetu postoji tek nekoliko.

OBJEKTIV

Potpisivanje ugovora sa studentima
stipendistima za akademsku 2022/2023. godinu



POETSKI KUTAK

Šta je Bosna meni?

Bosna.

Jedno ime.

Jedno ime za koje kuća hiljade i hiljade znanih i neznanih srca.

A šta je, ustvari, Bosna?

Za neke je to tek mrlja na karti.

Ali za mene... Za mene je to druga majka.

Za mene je Bosna i Hercegovina najljepša država na ovom svijetu.

I kad bi planeta bila drvo,
a države lišće na tom drvetu,
samo bi jedan, jedan mali listić zapao za oko
meni i hiljadama i hiljadama drugih.

Bosna.

Ona je možda mala,

ali sigurno znam da je najjača zemlja na svijetu.
Mnogi su je porobljavali, ali se uvijek oslobađala.

Mnogi su je pisci opisivali.

Mnogi kritičari kritikovali.

Ali nikad, nikad nije dovoljno i neće biti.

Čuj Vrelo Bosne na llijedži kako žubori.

Čuj kako se njišu stabla na Vlašiću.

Čuj crkvena zvona po danu. I zvuk ezana u noći.

Čuj vjetar kako hodi u planine daleke.

Čuj sevdalinke pjesme.

Čuj dukate na prsima djevojaka, dok se kolo
igra. I uzvike momaka.

To je Bosna.

Himna bez glasa, ljljan bez mržnje i država bez straha.

Ajdin Ibrahimović



FONDACIJA
H A S T O R



Kontaktirajte nas!

Bulevar Meše Selimovića 16,
Sarajevo
033 774 789
033 774 823
fondacija@hastor.ba



Redakcija

Džana Vrbač
Emra Kulo
Aleksandra Đukić
Almina Šabanović
Nedžma Latić
Amina Abaspahić



Grafički dizajn

Edna Porča



Naslovница

Aida Mujčin,
"Šetnja po kiši"